



UNIVERSITÄTS-
BIBLIOTHEK
PADERBORN

Ivlii Cæsarisi|| Scaligeri|| Epistolæ|| &|| Orationes||

Scaliger, Julius Caesar

Lugduni Batavorum, 1600

Eidem. LXVII.

[urn:nbn:de:hbz:466:1-70455](#)

affectione parti illico adhibere *Tumix*. Nos aliter faciendum natura docet, quæ ut certis confessionibus commisit atque aptavit partes animatis, alterius sæpe noxam ex alterius incommodo pendere designat. Quamobrem non neglecto cerebro, ventriculi, iecoris, lienis, matricis prius incunda ratio est. Nec minus ad ea, quæ *σφυγαρπη* vocant Græci, respiciendum. Caussæ sunt ex, quæ antecesserunt, atque impactis læsionibus abierunt. Eas qui tenent medico modum rei bñc gerendæ, nihil iudicare, quos inter Galenius quoq. vñus est, maxime falli, declaratum est a nobis satis in tomo tertio Nobilium exercitationū. Igitur vbi hæc accuratius à te scripta intellexerō, dabo operam, vt omnis posteritas intelligat, tuam valetudinem præter cæterorum omnium mortalium commoda mihi esse carissimam. Vale. ex Villula.

E I D E M. L X V I I .

Et si facultas omnis orationis meæ minor est & acerbitate, & caussa doloris tui, tum ingenii vis longe imbecillior, quam ut cum tua sapientia comparari possit: tamen vel tua virtus, quæ te mihi admirabilem

bilem facit , vel ius amicitæ , quod omnia
bona communia esse vult , fecit : vt ego , qui
me participem esse putarem mœroris tui ,
vellem coniunctis rationibus tecum meam
consolationem communicatam . Et quo-
niam huius rei tractatio tam frequens an-
tiquis fuit , vr pene ad communis loci le-
gem redacta videatur , nihil illorum quic-
quam huc arcessere certum est : quorum ne
momentum quidem ullum te præterire
habeo exploratum : sed a meipso unum mo-
do de promendum arbitror , quod vniuer-
sam exhauriat expectationem tuam . Non
igitur vel illorum præcepta , vel aliorum ad-
ducam exempla , sed solam teipsam tibi ipsi
obiiciam , ostendam atque etiam ostentabo .
Quæ enim omnium fœminarum non so-
lum ingenia , verum etiam indolem , spem ,
opinionem tuo isto genio superaris : tibi te
iniuriam facere censeo , si a teipsa desciscas ,
& tua culpa cœlestis naturæ , quam naœta es ,
splendorem , terrestrium affectuum tene-
bris obscurari patiaris . Quanquam , vt pru-
dentius dicam , pati te id inuitam fortasse
repræhendi nequeat : at velle vltro huic ,
quam miseriam vocas , obsecundari , id vero
ne utquam culpa vacare mihi videtur .
Omnino vero ut aliquando doluisse huma-
num

num sit, (non enim cum plumbeis Stoicis
insanimus) at enim tunc iam tandem ali-
quando desistere a dolore hominis sit. Atq.
equidem illud maximè alienum esse opi-
nor a prudentia ciuii, ut quem mœrorem
suscipimus aliena caussa, nostra deponere
nolimus: neque integræ iudicij esse, ut quam
luctus caussam detestamur in iactura fato-
rum acerbitate prouocati, eam vltro diu-
turnis lacrymis adornemus: & cuius quasi
flagitii fortunam accusamus, pro eo de no-
bis ipsis non vtique sapienter vehemens su-
mamus supplicium. Cui vero tandem la-
crymas dare videmur? carissimisne rebus
nostris, quæ communi lege naturæ fato suo
functæ sunt? ex si felices agunt in cœlis, quid
opus habent eiulatibus nostris? si in miseria
versantur, cur nos iacturæ iacturam, malo
malum adiungimus, & quia illæ miseræ
sint inuitæ, nos vltro ac gratuito velimus es-
se miseri? Tum illud in primis in memoria
habendum mihi iubeo, nihil me habuisse,
quod non acciperim, pro eo quod habue-
rim, illi, a quo acceperim, etiam nunc gra-
tiam debere, non quia suum sibi repetierit,
conuitia facturum. Mortalium namque
beneficia similia atque affinia sunt nostra-
rum rerum, fluxa caducaeque, nec sempiter-
na,

na; immo vero neque fidelia , neque constan-
tia, neque æqualia. Quocirca si quando co-
rum potiti sumus, dum potimur, in felicita-
tis loco ponere debemus: postea vero quam
seueris vniuersi legibus intercepta desicer,
eorum memoria tanquam præsentium nos
refici oportere, non autem absentia crucia-
ri. Alia vero his similia , ac fortasse meliora
hæbebam in animo , quæ his adiungere
possem , nisi considerem te tum hæc, tum
illa omnia & præstantia animi & constantia
iamdiu præuenisse. Quod si pro tua sapien-
tia facere potuisti , pro humanitatis vero
specie efficere noluisti , & plus error tibi
placuit, qui euincire solet humanæ imbecil-
litati , vt fruamur affectibus nostris etiam
male institutis, & quas vehementer dete-
stamus miserias, eis tamen indulgere atque
inhærere atque incumbere malimus : recli-
quum crit, vt te a pristina Vitellia mutataam
atque aliam esse obiiciamus : & plus apud
te potuisse fortuitos casus, quam Iani Mau-
montii sapientissimi viri diligentiam , qua
te exornauit, & pietatē, qua te imbuit, non
sine exprobrationis culpa potiorem esse du-
cas. Vale. Calendis Februarii.

Manu Iosephi.

Illustris-